


# 新民縣志

丙寅六月  
汪毓昌題

4110.13

42.1

卷之四



丙寅年六月

新  
民  
縣  
志

王煜斌題

新民縣志

卷首

序

圖

修志姓名

例言

目錄

新民縣志

前新氏府志原序

自法之果彼爾氏譯禹貢歐西學者大詳謂我國統計學導源三代蒙謂直郡縣志之濫觴耳其書於州域流源土宜貢賦莫不條舉件係在上古法純事簡亦云備矣後之志郡縣者類祖之其佳者如林紘之知興化作莆陽人物志周羽冲之宰脩仁作三楚新志而對山之武功縣志尤膾炙人口然要皆拘牽於體例至欲參攷其山川形勢簡核其戶籍民隱詳略異宜鮮足徵信攷政治則諛去思言教育則誦科第名勝之境選佛之場則備志之細至一葉一花亦必詞賦博徵以鳴全盛在昔閉關

新氏縣志

自守車書一家誠足以消戢雄鷲據寫文肯鼓吹太平之具蓋無當於今日也久矣新郡並此而無之不其慨歟雖然整飭百凡創之為功也疾於因新郡闢治曾幾何時顧已庶政畢舉學校日拓不四五年進亦驟矣撫今思昔能無為新民幸然工商苦窳學者僅百分之二自茲以往其進若何執因問果又能無懼郡守管君蘊為先憂延以其集益所獲足資攷鏡者賈餘勇以建郡志之創格舉凡體例編目之說一掃而空之事維其實數維其詳將以鑑別其妍媸得失脈癥結以奏刀圭其用心復何如也見智見仁是在讀此志者他日歐西譯之以去亦又云

何謹叙

長沙楊德鄰

新民縣志

序

日俄戰役而後外人之於我東三省也政察調查無微不至其  
已有成書而為我所及見者如滿洲地志滿洲要覽滿洲旅行  
記財力論實業之滿洲之類已不可勝數皆於地方之政治民  
俗物產商業纖悉畢舉如數家珍而我七百餘萬歌哭是土之  
父老子弟願夢夢焉昧昧焉鳳雛竊以為恥及讀日人橫井博  
士之序言曰滿洲土地三十六萬方里比之日本版圖殆二倍  
餘舉此龐大之地為日本貿易之市場其南方一帶正入日本  
之勢力範圍以此經營殖民製造採礦之事業是天與我以經

新民縣志

濟上民族上謀發展之地也鳳雛不禁皇然懼而躍然興夫滿  
洲幅員三十六萬方里吾新居其二十三分之一則全滿之興  
亡休戚吾新固肩二十三分之一之責者也外人之拓殖力進一  
步吾民之生計力即窘一步至窘無可窘吾新三十八萬餘之  
民族惟有隨天演之淘汰圖力同付淪胥嗷其泣矣嗟何及矣  
天下興亡匹夫有責吾新對於全省固肩二十三分之一之責對  
於府治則三十八萬餘之父老子弟尤人人肩一存亡休戚之  
責者也富者出其財貧者出其力士竭其智氓効其能舉凡生  
聚教養通商惠工屬於行政範圍內鳳雛今日之所學盡其端

序

日俄戰役而後外人之於我東三省也政察調查無微不至其  
已有成書而為我所及見者如滿洲地志滿洲要覽滿洲旅行  
記財力論實業之滿洲之類已不可勝數皆於地方之政治民  
俗物產商業纖悉畢舉如數家珍而我七百餘萬歌哭是土之  
父老子弟顧夢夢馬昧昧焉鳳雛竊以為恥及讀日人橫井博  
士之序言曰滿洲土地三十六萬方里比之日本版圖殆二倍  
餘舉此龐大之地為日本貿易之市場其南方一帶正入日本  
之勢力範圍以此經營殖民製造採礦之事業是天與我以經

新民縣志

濟上民族上謀發展之地也鳳雛不禁皇然懼而躍然興夫滿  
洲幅員三十六萬方里吾新居其二十三分之一則全滿之興  
亡休戚吾新固肩二十三分之一之責者也外人之拓殖力進一  
步吾民之生計力即窘一步至窘無可窘吾新三十八萬餘之  
民族惟有隨天演之淘汰圖力同付淪胥嗷其泣矣嗟何及矣  
天下興亡匹夫有責吾新對於全省固肩二十三分之一之責對  
於府治則三十八萬餘之父老子弟尤人人肩一存亡休戚之  
責者也富者出其財貧者出其力士竭其智氓幼其能舉凡生  
聚教養通商惠工屬於行政範圍內鳳雛今日之所學盡其端

重輯新民府志序

唐虞以降代有典籍而方志掌於地官實後世郡縣志之權輿  
吾新民設治較晚典章文物闕焉未備郡志之作創自管洛笙  
太守亦僅就行政所及撮其概要視腹省列郡矐乎後矣民國  
肇興郡邑異制而時會之遞遷律度之因革有非故志所及詳  
者李廉白大令始倡修志之議而縣掾趙君慶鏞主之王煥然  
大令繼長吾邑復賡續而擴充之就縣教育會為編輯所延耆  
儒張君韻芝綜司纂訂邑紳常君季浦王君膺樞先後主其  
事而王君翔九劉君升九吳君世榮佐之同時里居士紳宦遊

新民縣志

名宿咸任採訪之役條流固粗定矣 迺試頻歲從事政治解官  
後奉母寄居析津未獲與諸君子分筆札之勞時復厲書商榷  
期於折衷至當不悖古史文質事覈之指會王岷源省長袁潔  
珊參政擬叔輯省志謂 迺試曰邑志之於省志固相輔而成者  
也君籍新民益促成邑志以訂其闕同里襲品清參政梁素文  
參事亦交相敦勉 迺試心焉識之維時邑宰王君憲章亦鄉人  
也素負時望富于學識履任後網舉目張百廢俱舉復有取於  
衆議殫心志局分類裁定列卷十八曰地理曰區劃曰建置曰  
財賦曰實業曰教育曰交通曰宗教曰交涉曰慈善曰風俗曰

兵事曰人物曰列女曰藝文曰物產曰古蹟曰雜志臆而覈詳  
而有體故志之疏舛者無如地理若方域形勢之歧錯山脉河  
流之背向方閩類多剝襲載籍輒有異同憲章監督簡員四  
出調查精確輔以測勘於是全境輿圖釐然不紊而邑志遂以  
完成苟悅漢紀謂立典之志有五曰達道義曰彰法式曰通古  
今日著功勳曰表賢能吾邑志之輯雖不敢遽跂於古作者之  
林庶幾於天人之際事物之宜罔不賅備其亦文中子所謂言  
典致博者歟茲志之成時閱數稔官經數易垂成而幾輟者屢  
矣向非賢長吏及良有司倡導吾邑士紳奔走籌維安得及時

新民縣志

而觀厥成即幸而告成或且拾叢殘沿簡陋靡所訂正其遂能  
如斯志之精審乎迺試夙志所在讀斯志而欣感交集有不能  
自己者又以賢長吏有司及吾邑士紳倡導籌維之功之不  
可沒也爰不辭而為之序

中華民國十有四年十月 王迺斌序於析津寄廬

志書之設源生制古昔三代之輔軒使至佳  
絕域採于之三人男不之之脯力殊方并佳  
皆深量三在日前以以以深以以行志情至  
徑籍志風使通義我為之其之志集指不務  
生款皆志書之集出與政文亦旨著求述務求  
確由考據不假轉傳之其記我搜別尤必  
核實而用密與之其人之用之固不徒以標榜  
流華平為相於之其所以為之在尚世慮之而  
強於西以以以以以以以以以以以以以以以

新民縣志

若此世道人心者不可不也也願以志書之不容  
或也也也也也也也也也也也也也也也也也也  
學術窳劣一官一民之能核閱舊稿是育床所  
接家首生公良之能核閱舊稿是育床所  
任首以以以以以以以以以以以以以以以以  
宣統元年條公使時時首首首首首首首首  
未備種例尤殊民間十年亦公應白到但有全  
於此據就庶志以備物志第以志書之意應切良

可借也實善 不致富於後如善是仲舒矣  
訟是之與報九常去孝浦吳君世榮王與膺  
糖菜出共勸善舉勉成厥事一舉而賢未  
竟之功著作地方政賢之履亦幸於恭揖若  
成備值征駭已駕用弁為行在簡端即留  
他年之遇當云尔

歸西王寶善

序

甲子孟冬余由輯安奉調來新權理推政甫經匝月又奉命署縣事因益得與邑中薦紳賢豪遊適地方有重修縣志之舉獲披其底稿既竣喟然曰是亦余之責也夫斯志重修之議始自李公廉白編纂之事成於王公煥然前後四年未得付梓余適承乏其後律以當仁不讓之義又何敢不勉成前志用歲數載未竟之功爰就底稿詳加釐訂審其大綱補其罅漏翦其蕪正其謬釀貲鳩工殺青指日並屬教育會長王膺樞君督其剞劂工未及半經費中匱翌年夏前農商總長王公恩溥係念桑梓

新氏縣志

捐洋五百以襄其事復由工科職業學校印刷部承印價廉工省可望成功忽遘郭軍倒戈之變烽火連天硝烟匝地父棄其子婦失其夫母襁兒兄携弟老弱婦孺疲瘡殘疾者狂奔汗泚枕仆道路婉轉礮火之下呼號冰雪之中哭聲殷野天地為哀而版已於斯時燬矣天下事成功之難者如此可慨也余自辛酉登庸宰阜新宰輯安迄五載矣所至輒欲興教化徵文獻輯典籍以垂久遠均忽遽未遑今得補前修未竟之志攄一己久蓄之心而又中值大難追憶當日與邑中士夫夙夜兢兢披風霜冒槍彈趨走支應心膽交悴戰罷問巷蕭條瘡痍滿目忍淚

含辛勉圖善後惜心長力短於國於民兩無補益清夜自思曷  
勝慚惻茲幸大難已芟昇平有望而此志亦繼續工作告竣故  
聊贅數語以誌斯志修刊之經過與夫成事之匪易云爾

中華民國十五年秋八月 知新民縣事盤山王煜斌識

序

粵維往訓周禮載小史外史掌邦國四方之志太史公作史記以紀傳表分為八書班固易書為志此志之見於遠古者也迨李唐以來梁載言撰十道志李吉甫撰元和志後此宋談鑰撰吳興志范石湖撰吳郡志此郡國之志所由興然尚未及於縣惟縣之有志實創於宋嘉定中永嘉蔡範甫作黃岩志歷陽李瞻作旌川志由是作者朋興而縣志一書幾難指數矣第作之者率皆苦心若揭而閱之者每踵事求全此豈故與古人為難乎曰否否蓋志不同於史亦不類似傳史貴賅而志不宜賅傳

新民縣志

可曲而志不宜曲為斯志者求簡括則不能詳備務詳備則不能簡括此古人之所難而謂今人竟能易易耶雖然我縣自創修志書原始要終已略見於同人之序語惟泉學識平庸且久已荒廢乃謬荷同人等一意引援並重以縣長王公獨為贊助爭奈供獻無多殊慚負負今幸摯友張君編輯脫稿赧然以不醜自責泉一再檢閱忽悟時彥有言非兼有學識才三長不能作志善哉言乎然泉竊請益之非積有道德涵養工夫亦不能作志蓋忠厚為立言之本誠非鹵莽刻忌者所得率爾從事也斯編寓警勸於無形比事屬詞悉根此旨至斟酌繁簡人難亦

難雖不醕何害泉正喜我縣之創有是志也且喜荒廢如泉者亦得相與有成遂泚筆而為之序

民國十三年十一月 劉百泉識

序

江淹有言修史之難無出於志誠以志者章憲之所繫非老於典故者不能為也縣之有志猶家之有乘國之有史貴乎意明而語約尚質不尚文尚簡不尚繁畧於浮言詳於事實凡地方之掌故鄉土之舊聞以及疆域沿革古蹟險要人物物產政教禮俗可以展卷即得不為智而增不為愚而減斯義得矣新民編輯縣志始由李前知事於民國十年委科長趙慶鏞為主任時歷年餘未著一字而耗款二千餘元迨李離任趙亦他適擱置者又三閱寒暑幸今春

新民縣志

王公蒞新銳意提倡復專其責於地方人士故公推張君秉筆纂錄甫四月而告成不材亦溢竽充數得參末議何異築室道謀無補紀事之實蹟况新民地處邊陲文化較遜境乏名山大川人少宿儒碩彥而欲以末學陋識操觚窺定於其間雖劇目鉅心難免指鹿為馬以羊易牛之處不過聊輯採訪以備遺忘尤望繼修之人善為彌縫芟削繁蕪增廣闕略覆車之愧庶或免焉

王鵬齡

序

新民當京奉樞紐遼柳要津建廳設府文物早興義士仁人不  
少芳烈獨是口碑易沒稽攷無從文獻之不足徵也良可慨矣  
民國十年李公廉白來宰斯邑有編纂縣志之倡願從事調查  
越四閱月甫從編纂未有所成適李公去任此事擱置者三年  
十三年春王公煥然知斯縣事銳意賡續進行以遠古近今事  
跡繁蹟非專責成不易歲事乃於是年六月招集地方士紳決  
議暫假縣城教育會為縣志編輯所並屬瑞經理之仍函請邑  
內耆儒張君韻芝主任編輯士紳王君翔九劉君升九吳君世

新民縣志

榮等為贊助瑞竊自愧學識無多謬膺教育會長對於此舉補  
助毫無第以公益所在分有難辭於是掃除會舍西開安頓張  
君從事編輯纔歷四月而事竣詳加披覽鈎元擷要鉅細靡遺  
誠悉心之鴻製也欲攷桑梓往事者不患不足徵矣謹誌顛末  
俾閱者知斯志成就之由來云耳

民國十三年十一月 常 瑞 述